

二經同卷

卷六

大愛陀羅尼經

阿羅漢具德經

佛說大愛陀羅尼經

夏譯經藏朝教矣試光祿明教大師臣法賢奉詔譯

如是我聞一時佛在舍衛國祇樹給孤獨園

時有海神名曰大愛來詣佛所到佛所已頭

面著地禮佛雙足却在一面而白佛言世尊

我有所願利益衆生惟佛哀愍許我宣說

尔時世尊知大愛心有大利益而告之曰善

哉善哉汝為利益隨汝意說

尔時大愛蒙佛聽許而白佛言我與眷屬住

於大海多見衆生陷於海難愍念此等欲說

陀羅尼令彼海難無能為害世尊若有善男

子善女人乃至苾芻苾芻尼優婆塞優婆夷

等聞此陀羅尼讀誦受持及得聞我與眷屬

等名者所有大海一切危難悉皆解脫

尔時大愛承佛威力即說陀羅尼曰

但執身他引祖嚕祖嚕二吐蘭達哩引摩賀

引謗哥悉體合帝四引酤引你瑟哥引二合你瑟

計二合阿那護六按鉢黎七祖嚕祖嚕八三

滿多跋捺哩引二合阿屹你合二作訖哩引二合作

訖囉合二多朗一補囉擬你引娑縛引二合賀引二

尔時大愛海神承佛聖旨說此陀羅尼已歡

喜踊躍禮佛而退

佛說大愛陀羅尼經

佛說阿羅漢具德經

三藏法師 法賢奉 詔譯

尔時世尊在舍衛國給孤獨精舍之內敷座

而坐有諸苾芻及天龍八部人非人等圍繞

世尊默然合掌聽佛所說

尔時世尊告諸苾芻我今稱讚諸大聲聞能

於佛法清淨修持而於自果皆具已德汝等

諦聽善思念之吾當為汝次第宣說諸苾芻

我弟子中有大聲聞棄捨王位父為出家最
初悟道梵行第一憍陳如苾芻是復有聲聞
少貪常喜持頭陀行大迦葉苾芻是復有聲
聞具大辯才智慧第一舍利弗苾芻是復有
聲聞修持精進具大神通目軋連苾芻是復
有聲聞有所觀聽得大天眼阿你嚕馱苾芻是

華六

二

唐

復有聲聞具足定慧多聞第一阿難苾芻是
復有聲聞善解軌儀能持律藏優波離苾芻
是復有聲聞於大眾中能說妙法富樓那彌
多羅尼子苾芻是復有聲聞坐卧等物悉皆
具足捺羅鞞身切末羅子苾芻是復有聲聞說
法之音如師子吼賓度羅跋囉嚕舍苾芻是
復有聲聞善解經律而能論義迦旃延苾芻是
復有聲聞能於佛法信解第一末揭哩苾芻
是復有聲聞修持得果光顯氏族迦留陀夷
苾芻是
復有聲聞有所演說具天妙音跋哩哥苾
芻是

復有聲聞善解美語而能談論童子迦葉苾
芻是復有聲聞四威儀中具大精進率嚕拏
酷抵嚩蹉苾芻是復有聲聞於一切處能具
速通嚩哩吡哥苾芻是
復有聲聞善能進趣悟道得果唧哩野哥苾
芻是

復有聲聞能具火界神通修伽陀苾芻是
復有聲聞捨於上族而樂出家賢苾芻是
復有聲聞釋氏王族而捨出家優樓頻螺迦
葉苾芻是

華六

三

復有聲聞於靈塔處而先受請布蘭那苾芻
是復有聲聞隨所敷演而有天智俱締囉苾
芻是
復有聲聞威儀端謹身貌圓滿烏波細那末
揭梨子苾芻是復有聲聞唯於佛法解義第
一半託迦苾芻是
復有聲聞於四諦理能斷疑惑大半託迦苾
芻是

復有聲聞言直無隱警誠諸苾芻劫賓那苾芻是復有聲聞常行警誡諸苾芻尼難那哥苾芻是復有聲聞人多歸仰恒得財利細縛羅苾芻是

復有聲聞諸根隱密人所莫測難勞苾芻是復有聲聞善持戒律清淨無缺羅睺羅苾芻

是復有聲聞於所受身少病少惱未酷羅苾芻是

復有聲聞常行布施而能不減解空第一須菩提苾芻是

復有聲聞於一切時而能少語昇誡帝哩野苾芻是

復有聲聞於宿命智具足獲得所有往昔種種之事悉能解說輸毗多苾芻是

復有聲聞能修淨行善住山巖護國苾芻是復有聲聞坐卧等物悉皆具足憍梵波提苾芻是

復有聲聞於進趣中而能得定哩嚩多苾芻是

復有聲聞修行能斷已生煩惱那羅陀苾芻是復有聲聞而能止息未生煩惱彌企哥苾芻是

復有聲聞常具慈行梨婆多苾芻是復有聲聞能於苦中善行悲行畢陵伽婆蹉苾芻是

復有聲聞具大捨行婆那梨苾芻是復有聲聞具大捨力得勝苾芻是

復有聲聞於善惡法悉能了達羯諾迦嚩蹉苾芻是

復有聲聞於世貪欲悉能速斷難陀苾芻是復有聲聞於所嗔恚便能速除彌唎羅苾芻

是復有聲聞能修勝果速斷我慢摩那嚩苾芻是

復有聲聞於愚癡法而能速斷婆羅墮惹摩那嚩苾芻是

復有聲聞清淨修持善解因果摩那嚩苾芻是復有聲聞能修聖果具人利根益竭摩羅

苾芻是

復有聲聞三業調順諸根柔軟薩哩波那婆

苾芻是

復有聲聞於微妙義善能咨問摩喝枳苾芻

是復有聲聞有所言論具大辯才羅陀苾芻

是復有聲聞以甚深義能問於母羯羅波苾

芻是復有聲聞善閑法義結集伽陀嚩儼舍

苾芻是

復有聲聞所出語言悉皆真實尾舍珂半左

梨子苾芻是

復有聲聞以清淨心常樂求法達哩彌哥苾

芻是復有聲聞修歡喜行具忍辱力布蘭拏

苾芻是

復有聲聞自內觀法善達本心野輸那苾芻

是復有聲聞於世法中善解占相蜜哩誡尸

囉苾芻是

復有聲聞以殊勝心善解妙法達磨哥苾芻

是復有聲聞於欲自在善了去來補特伽羅

華六

五

苾芻是復有聲聞於一切時而能善語波摩那苾芻是

復有聲聞方便善巧能敷妙法達哩彌羅苾芻是

復有聲聞得妙法義能次第說誡嚩捺多苾芻是

復有聲聞於一切時說法無倦割閉但計苾芻是

復有聲聞恒肅容儀常懷歡喜無能勝苾芻是復有聲聞常具多喜正覺苾芻是

復有聲聞唯於智慧而得解脫善生苾芻是復有聲聞而能獲得定慧解脫嚩遊波苾芻

是復有聲聞能斷其貪咎惹敢謨哥苾芻是

復有聲聞具善解脫吠囉吒星賀苾芻是

復有聲聞清淨修持知己信解又摩哥苾芻

是復有聲聞於世間中最得殊勝摩四哥苾

芻是

復有聲聞智解高深能破外論最勝苾芻是

復有聲聞能具正見善破魔軍姤訖囉咩吟
苾芻是

復有聲聞能於智慧善破愚迷惹伽迦葉苾
芻是復有聲聞常行平等僕虔哥苾芻是

復有聲聞修清淨智漸漸少塵率嚕拏酷臍
錫蘭拏苾芻是復有聲聞於進趣中具大清

淨烏沮嚕苾芻是復有聲聞身貌無缺諸根
圓滿昂擬盧苾芻是

復有聲聞而於修持善解空法仙授苾芻是
復有聲聞於空法中深生信解尊那苾芻是

復有聲聞於自果中唯具神通摩賀哥苾芻
是復有聲聞善能觀於八解脫義信重苾芻是

復有聲聞於威儀中樂妙色衣謨賀囉惹苾
芻是復有聲聞廣談妙理具大眷屬散惹曳

苾芻是
復有聲聞定慧具足恒受人天供養善現苾
芻是

復有聲聞發心出家樂修聖行毗舍羅苾芻是

卷六

六

唐

復有聲聞因遇苦緣而乃出家沒廢馳哥婆
囉特惹苾芻是

復有聲聞厭離輪迴而求出家遜那哩哥帝
哩野酷苾芻是復有聲聞悟世不堅深生厭
離遜那哩哥婆囉特惹苾芻是復有聲聞默
然止息容儀端謹薩四瑟努哥苾芻是

復有聲聞清淨修持性淳少辯烏波祿那苾
芻是

復有聲聞恒獨進修具寂靜行難祿哥苾芻
是復有聲聞善於定慧得大解脫頭必羅苾
芻是

復有聲聞於愚迷者能令清淨龍護苾芻是
復有聲聞能修淨行最後出家須跋陀羅苾
芻是

爾時世尊復說頌曰

梵行少貪欲	智慧與神通	天眼及多聞
清淨能持律	坐卧等安樂	具師子吼音
信解與其深	善分別經律	光顯於氏族

具大微妙聲
有大速通力
警誠於僧尼
於身少病惱
具足宿命智
已生煩惱斷

精進力難思
靈塔先受請
能隱密諸根
常行於布施
坐卧具豐足
未生令止息

善巧能談論
直言無隱行
恒持清淨戒
少語恒默然
常樂住山巖
恒入三摩地

華六

唐

大慈及利益
常行善惡法
諸根利清淨
柔軟一切根
能宣真實語
常樂甚深法

過失悉能除
速除我慢相
善解因果法
具足大辯才
善結集伽陀
具足忍辱力

悲心息苦輪
能斷貪嗔癡
能問甚深理
問母甚深善
忍辱力能堅
善達於本心

占相悉能知
深入妙法門
說法依次第
證得慧解脫
深得解脫門
能破外論師

具忍辱歡喜
善以慧解心
無倦廣敷宣
得定慧解脫
了知自信解
善開發愚迷

所欲常自在
廣宣微妙法
歡喜及多喜
貪欲永已除
世間得最勝
能破諸魔軍

出家捨苦惱
解空無二法
愛樂妙色衣
信心而出家
深默輪迴苦
止息默然住

清淨智少塵
具得神通力
有大親眷屬
常行平等行
恒行寂靜心
解脫行能深

圓滿具諸根
善觀八解脫
受人天供養
厭世樂出家
具少分辯才
清淨愚迷者

故名阿羅漢

具如是功德
尔時世尊說是頌已復告諸苾芻曰於此眾
中而有十大聲聞我今稱說汝應善聽
所謂憍陳如苾芻迦旃延苾芻富樓那苾芻
薄拘羅苾芻離婆多苾芻益掘摩羅苾芻那
輪那苾芻蘇惹多苾芻酤胝羯蘭拏苾芻吠
舍羅苾芻如是十大聲聞於此眾中而為上首
尔時世尊復告諸苾芻曰我今稱讚諸大聲
聞苾芻尼亦於自果而修已德於我苾芻尼
中有大聲聞苾芻尼棄於王族父為出家清
淨威儀常修梵行摩訶波闍波提苾芻尼是
少貪知足行頭陀行鉢吒左囉苾芻尼是智

慧深廣有大辯才善相苾芻尼是能行善行
 威德無過蓮花色苾芻尼是於所修持善得
 天眼蘇摩苾芻尼是修聞思慧獲大多聞輸
 婆羯哩摩羅女苾芻尼是善能持律軌範無
 虧訖哩舍苾芻尼是能於妙法善巧敷宣施
 法苾芻尼是恒以慈心宣揚妙法釋女達磨

華六

八

唐

苾芻尼是精修聖因光顯族氏大白苾芻尼
 是志求大果信心出家室珂羅哥長者母苾
 芻尼是宿植良因具大福德羅睺羅母耶輸
 陀羅苾芻尼是恒慕修持具大精進螺髻苾
 芻尼是而於自果能具速通賢苾芻尼是智
 慧甚深善解經律妙頭苾芻尼是如是諸苾
 芻尼於大眾中而為上首

尔時世尊復告諸苾芻曰汝等諦聽我今稱
 說烏波薩哥於信心中亦修已行所謂初發
 信心歸依三寶布薩烏波薩哥跋梨烏波薩
 哥是住烏嚕尾螺具足能行清淨戒法那酷
 羅父烏波薩哥是住於婆儼數而於眾僧常

行布施給孤獨長者是住於舍衛城曩修聖
 因具大福德善授長者是住於舍衛城於眾
 僧中常施飲食最首長者是住於廣嚴城恒
 於佛法僧中而能種種布施同生長者是住
 於王舍城恒為病苦者而施於湯藥大名長
 者是住迦毗羅城能於信心中常行慈悲行

蜜茶哥長者是住於大賢城能以四攝法善
 化眾會心賀悉多哥長者及阿吒縛哥是同
 住於大野從初發信心而能具大智烏波離
 長者是住那爛陀城能於眾會中談論師子
 吼勇猛長者是住於王舍城善有大智慧能
 破外論師訥哩目珂栗蹉尾長者是住於廣

華六

九

唐

嚴城恒於大眾中廣說微妙法啣但嚕長者
 是住蘇波羅哥城有所談論具大辯才勝軍
 王是都舍衛城於信心中利根第一哥路王
 弟是住於舍衛城而於信心中能具大智慧
 仙投烏波薩哥是住於舍衛城於信心中能
 持梵行布囉拏烏波薩哥是住於舍衛城珍

寶具足庫藏豐盈廣聚人民多聞第一摩伽
陀國頻婆娑羅王是都於王舍城常於三寶
發菩提心而於世間多饒其子唵嚩哥長者
是住於王舍城信心精進能具速通無畏王
子住於王舍城已斷根本而生信解摩伽陀
國韋提希子阿闍世王是都於王舍城如是
烏波薩哥於大眾中而為上首

今時世尊復告諸苾芻汝等善聽我今稱說
烏波薩吉於信心中亦修已行所謂初發信
心歸佛法僧難那烏波薩吉及難那力烏波
薩吉是住烏嚩尾螺能起初心信解戒法諾
酤羅長者母是住於婆儼數恒於眾僧常行
布施毗舍佉母烏波薩吉是住於舍衛城宿
施因豐具大福德哩提羅長者母是住於舍
衛城修治湯藥施病苦者大軍長者婦是住
波羅柰城於疾病者而能承事善愛長者婦
是住於波羅柰城久已發信心常行於慈行
奢摩躡帝烏波薩吉是住憍跋彌國而於眾

會中多聞能第一酤沒儒怛囉烏波薩吉是
住憍跋彌國善能敷妙法而有辯才善意
王女是住於舍衛城久發信心能具大智尊
那王女是住於王舍城而於色相中端嚴居
第一正覺王女是住於王舍城能生信解意
善發菩提心沒怛囉長者婦是住於王舍城
於所住世多饒其子唵嚩哥長者婦是住於
王舍城恒善能修持而具大精進率嚩拏長
者婦是住於瞻波城恒於眾僧中能施住止
處難那長者女是住於竹林中久發信心深
解禪定哥路烏波薩吉是住於竹林中如是
烏波薩吉於大眾中而為上首

今時大苾芻眾及天人阿脩羅等聞佛所說
皆大歡喜信受奉行

十末

佛說阿羅漢具德經

華六

二經同卷